

PRAVILA PRIVATNOSTI

Cilj Pravila privatnosti Ministarstva unutrašnjih poslova Hercegovačko-neretvanskog kantona (u daljem tekstu: MUP HNK) je da u skladu sa članom 14. i članom 68. Zakona o zaštiti ličnih podataka BiH („Sl. glasnik BiH“, br. 12/25, u daljem tekstu: Zakon) svim osobama čije lične podatke obrađuje u okviru postupaka koje provodi, uz izuzetke propisane posebnim zakonom, na transparentan način pruži informacije o obradi njihovih ličnih podataka.

Pravila privatnosti se primjenjuju na sve lične podatke koje MUP HNK prikuplja, upotrebljava ili na drugi način obrađuje, direktno ili putem drugih kontrolora.

Prema Zakonu dole navedeni pojmovi imaju sljedeća značenja:

Lični podatak- je svaki podatak koji se odnosi na fizičku osobu čiji je identitet utvrđen ili se može utvrditi.

Nosilac podataka- je fizička osoba čiji je identitet utvrđen ili čiji identitet se može utvrditi posredno ili neposredno, posebno pomoću identifikatora kao što su: ime, identifikacioni broj, podaci o lokaciji, mrežni identifikator, ili pomoću jednog ili više faktora svojstvenih za fizički, fiziološki, genetski, mentalni, ekonomski, kulturni ili društveni identitet te osobe.

Obrada- je svaki postupak ili skup postupaka koji se obavlja na ličnim podacima ili na skupovima ličnih podataka automatizovanim ili neautomatizovanim sredstvima kao što su prikupljanje, evidentiranje, organizacija, strukturiranje, čuvanje, prilagođavanje ili izmjena, pronalaženje, ostvarivanje uvida, upotreba, otkrivanje prenosom, širenjem ili stavljanjem na raspolaganje na drugi način, usklađivanje ili kombinovanje, ograničenje, brisanje ili uništavanje.

Kontrolor podataka- je fizička ili pravna osoba, javni organ ili nadležni organ koji samostalno ili sa drugim određuje svrhe i sredstva obrade ličnih podataka. Kada su svrhe i sredstva takve obrade utvrđeni zakonom, kontrolor podataka ili posebni kriterijumi za njegovo imenovanje propisuju se zakonom.

Javni organ- je svaki zakonodavni, izvršni i sudski organ na svim nivoima vlasti u Bosni i Hercegovini.

Nadležni organ- je organ koji je nadležan za sprečavanje, istragu i otkrivanje krivičnih djela, gonjenje učinilaca krivičnih djela ili izvršenje krivičnih sankcija, uključujući i zaštitu i sprečavanje prijetnji javnoj sigurnosti, kao i pravne osobe ako su zakonom ovlaštene za obavljanje ovih poslova kao posebna kategorija kontrolora podataka.

1. Podaci o kontroloru podataka

U smislu člana 4. Zakona, MUP HNK je kontrolor ličnih podataka, jer samostalno određuje svrhu i sredstva obrade ličnih podataka u okviru svojih zakonskih nadležnosti (pri čemu je sama svrha obrade utvrđena Zakonom).

MUP HNK ima status javnog organa kada obrađuje podatke u okviru svojih redovnih upravnih poslova, a istovremeno ima status nadležnog organa u smislu odredbi Zakona koje uređuju

obradu ličnog podatka u svrhu sprečavanja, istrage i otkrivanja krivičnih djela ili gonjenja počinitelaca krivičnih djela, izvršavanje krivičnih sankcija, uključujući zaštitu od prijetnji javnoj bezbjednosti i njihovo sprečavanje.

Ministarstvo unutrašnjih poslova Hercegovačko-neretvanskog kantona

Brune Bušića bb, 88000 Mostar

Tel. centrala : 00387 36 383 111

Službenik za zaštitu ličnih podataka:

- e mail: szzp@muphnk.ba
- e mail: szlp.up@muphnk.ba

2. Svrha i pravni osnov za obradu ličnih podataka

Vaše lične podatke MUP HNK/Ž obrađuje u skladu sa članom 8. stav (1) Zakona, radi izvršavanja zadataka od javnog interesa i zakonom utvrđenih službenih ovlaštenja. U skladu sa članom 8. stav (2) Zakona, pravni osnov za obradu bliže je utvrđen Zakonom o unutrašnjim poslovima HNK/Ž, kao i drugim propisima koji regulišu rad policije i administracije. Navedene nadležnosti i ovlaštenja uključuju vođenje :

- evidencija ličnih karata
- evidencija ličnih karata za strance,
- evidencija prebivališta i boravišta građana,
- evidencija određenih, poništenih, zamijenjenih jedinstvenih matičnih brojeva,
- evidencija vozačkih dozvola,
- evidencija o registrovanim vozilima u BiH i dokumentima vezanim za registraciju vozila,
- evidencija putnih isprava,
- registar izdatih oružnih listova, odobrenja za držanje oružja i potvrda o prijavljenom oružju,
- kaznene evidencije,
- prekršajne evidencije,
- vođenje upravnih postupaka po zahtjevima građana,
- drugi upravni i administrativni poslovi predviđeni zakonima i podzakonskim propisima iz nadležnosti MUP HNK.

MUP HNK, kada postupa kao nadležni organ, obrađuje lične podatke u skladu sa **članom 64. Zakona o zaštiti ličnih podataka BiH („Službeni glasnik BiH“, br. 12/25).**

U smislu navedenog člana, obrada ličnih podataka od strane nadležnog organa zakonita je samo ako:

1. je **neophodna za izvršavanje zadataka nadležnog organa** u svrhu sprečavanja, otkrivanja i istrage krivičnih djela, gonjenja počinitelaca, izvršenja krivičnih sankcija i zaštite javne sigurnosti,
2. je **propisana zakonom** kojim se uređuju nadležnosti tog organa,
3. se vrši u obimu koji je **proporcionalan i ograničen na ono što je nužno** za ostvarivanje navedene svrhe.

Pravni osnov obrade predstavlja zakonom utvrđena nadležnost MUP-a HNK (Zakon o unutrašnjim poslovima HNK, Zakon o krivičnom postupku F BiH i drugi relevantni propisi), u vezi sa članom 64. Zakona.

3. Vremenski period čuvanja ličnih podataka

Vaše lične podatke MUP HNK obrađuje u vremenskom periodu koji je potreban da se ispuni svrha njihove obrade. Nakon prestanka svrhe za koju su prikupljeni, vaši lični podaci više se ne koriste ali se čuvaju u arhivi onoliko vremena koliko obavezuju zakonski propisi o arhivskoj građi.

4. Tehničke i organizacione mjere zaštite ličnih podataka

Vaše lične podatke MUP HNK obrađuje na način kojim se osigurava odgovarajuća sigurnost i povjerljivost ličnih podataka, kao i odgovarajuća primjena načela zakonite obrade ličnih podataka te smanjenje količine ličnih podataka po načelu neophodnosti.

MUP HNK poštuje vremenski period čuvanja ličnih podataka kao i njihovu raspoloživost. Preduzete su fizičke, tehničke i organizacione mjere zaštite ličnih podataka koje su propisane Planom sigurnosti ličnih podataka. Svi zaposleni u MUP-u HNK potpisali su izjave o povjerljivosti ličnih podataka kojima pristupaju.

5. Prava nosilaca podataka u vezi sa obradom ličnih podataka

Prava nosilaca podataka ostvaruju se u skladu sa Zakonom o zaštiti ličnih podataka („Sl. glasnik BiH“ broj 12/25), osim u slučajevima kada su ograničena posebnim zakonom.

Navedena prava mogu biti ograničena ako je takvo ograničenje propisano posebnim zakonom i ako je nužno i proporcionalno radi zaštite javne sigurnosti, sprečavanja i otkrivanja krivičnih djela, vođenja postupaka ili zaštite prava i sloboda drugih lica.

MUP HNK omogućava ostvarivanje prava propisanih Zakonom, a to su:

- pravo na pristup ličnim podacima,
- pravo na ispravku ličnih podataka,

- pravo na brisanje ličnih podataka,
- pravo na ograničenje obrade ličnih podataka,
- pravo na prenosivost ličnog podatka,
- pravo da ne bude predmet automatizovanog donošenja odluka, uključujući profilisanje
- pravo na prigovor.

Za ostvarivanje svojih prava možete se obratiti MUP-u HNK pisanim putem ili putem elektronske pošte na naprijed naznačenu adresu. Također možete se obratiti i nadležnom nadzornom organu- Agenciji za zaštitu ličnih podataka BiH, adresa: Dubrovačka br.6 71000 Sarajevo ili putem e-maila: azlpinfo@azlp.ba.

6. Prijenos ličnih podataka drugim kontrolorima podataka, prijenos ličnih podataka u inostranstvo

MUP HNK može prenositi lične podatke drugim organima vlasti, pravnim ili fizičkim licima (drugim kontrolorima ili primaocima) samo kada je takav prijenos propisan zakonom ili nužan za izvršavanje zakonskih nadležnosti Ministarstva, u skladu sa Zakonom o zaštiti ličnih podataka („Službeni glasnik BiH“, br. 12/25). Podaci se dostavljaju isključivo u obimu koji je relevantan i neophodan za konkretnu svrhu, uz poštovanje načela zakonitosti, ograničenja svrhe i minimizacije podataka.

Kada Ministarstvo postupa kao nadležni organ u svrhe prevencije, otkrivanja, istrage i krivičnog gonjenja počinitelaca krivičnih djela ili izvršenja krivičnih sankcija, prijenos ličnih podataka drugim nadležnim organima u Bosni i Hercegovini ili inostranstvu vrši se samo ako je takav prijenos nužan, zakonit i proporcionalan, uz primjenu posebnih pravila i zaštitnih mjera propisanih Zakonom i drugim relevantnim propisima.

Prijenos ličnih podataka u druge države ili međunarodne organizacijama može se izvršiti isključivo ako su ispunjeni zakonski uslovi i obezbijeđen odgovarajući nivo zaštite prava i sloboda nosilaca podataka.

Lične podatke MUP HNK daje pružaocima informatičko-komunikacionih usluga sa kojima ima zaključen ugovor i koji poštuju pravila postupanja sa ličnim podacima.

7. Korištenje kolačića (cookies)

Na našoj službenoj internet stranici <https://www.muphmk.ba> koriste se obavezni, odnosno tehnički kolačići (cookies). Ti kolačići su male datoteke koje omogućavaju ispravan rad internet mjesta i ne možemo ih isključiti, te za njihovo korištenje ne trebamo vašu saglasnost.

8. Promjena Pravila privatnosti

MUP HNK će redovno ažurirati Pravila privatnosti kako bi ista sadržavala tačne informacije. O svim izmjenama i dopunama bit ćete blagovremeno informisani u skladu sa načelom transparentnosti.

PRAVILA PRIVATNOSTI

Cilj Pravila privatnosti Ministarstva unutarnjih poslova Hercegovačko-neretvanske županije/kantona (u daljem tekstu: MUP HNŽ/K) je da sukladno članku 14. i članku 68. Zakona o zaštiti osobnih podataka BiH („Sl. glasnik BiH“ , br. 12/25, u daljem tekstu: Zakon) svim osobama čije osobne podatke obrađuje u okviru postupaka koje provodi, uz izuzetke propisane posebnim zakonom, na transparentan način pruži informacije o obradi njihovih osobnih podataka.

Pravila privatnosti se primjenjuju na sve osobne podatke koje MUP HNŽ/K prikuplja, upotrebljava ili na drugi način obrađuje, izravno ili putem drugih kontrolora.

Prema Zakonu dolje navedeni pojmovi imaju sljedeća značenja:

Osobni podatak- je svaki podatak koji se odnosi na fizičku osobu čiji je identitet utvrđen ili se može utvrditi.

Nositelj podataka- je fizička osoba čiji je identitet utvrđen ili čiji identitet se može utvrditi posredno ili neposredno, posebno pomoću identifikatora kao što su: ime, identifikacijski broj, podaci o lokaciji, mrežni identifikator, ili pomoću jednog ili više faktora svojstvenih za fizički, fiziološki, genetski, mentalni, ekonomski, kulturni ili društveni identitet te osobe.

Obrada- je svaki postupak ili skup postupaka koji se obavlja na osobnim podacima ili na skupovima osobnih podataka automatiziranim ili neautomatiziranim sredstvima kao što su prikupljanje, evidentiranje, organizacija, strukturiranje, čuvanje, prilagođavanje ili izmjena, pronalaženje, ostvarivanje uvida, upotreba, otkrivanje prijenosom, širenjem ili stavljanjem na raspolaganje na drugi način, usklađivanje ili kombiniranje, ograničenje, brisanje ili uništavanje.

Kontrolor podataka- je fizička ili pravna osoba, javni organ ili nadležni organ koji samostalno ili sa drugim određuje svrhe i sredstva obrade osobnih podataka. Kada su svrhe i sredstva takve obrade utvrđeni zakonom, kontrolor podataka ili posebni kriteriji za njegovo imenovanje propisuju se zakonom.

Javno tijelo - je svako zakonodavno, izvršno i sudsko tijelo na svim nivoima vlasti u Bosni i Hercegovini.

Nadležno tijelo- je tijelo koje je nadležno za sprečavanje, istragu i otkrivanje kaznenih djela, gonjenje počinitelja kaznenih djela ili izvršenje kaznenih sankcija, uključujući i zaštitu i sprečavanje prijetnji javnoj sigurnosti, kao i pravne osobe ako su zakonom ovlaštene za obavljanje ovih poslova kao posebna kategorija kontrolora podataka.

1. Podaci o kontroloru podataka

U smislu članka 4. Zakona, MUP HNŽ/K je kontrolor osobnih podataka, jer samostalno određuje svrhu i sredstva obrade osobnih podataka u okviru svojih zakonskih nadležnosti (pri čemu je sama svrha obrade utvrđena Zakonom).

MUP HNŽ/K ima status javnog tijela kada obrađuje podatke u okviru svojih redovnih upravnih poslova, a istovremeno ima status nadležnog tijela u smislu odredbi Zakona koje uređuju obradu osobnog podatka u svrhu sprečavanja, istrage i otkrivanja kaznenih djela ili gonjenja počinitelja kaznenih djela, izvršavanje kaznenih sankcija, uključujući zaštitu od prijetnji javnoj sigurnosti i njihovo sprečavanje.

Ministarstvo unutarnjih poslova Hercegovačko-neretvanske županije/kantona.

Brune Bušića bb, 88000 Mostar

Tel. centrala : 00387 36 383 111

Službenik za zaštitu osobnih podataka:

- e mail: szzp@muphnk.ba
- e mail: szlp.up@muphnk.ba

2. Svrha i pravni temelj za obradu osobnih podataka

Vaše osobne podatke MUP HNŽ/K obrađuje sukladno članu 8. stavak (1) Zakona, radi izvršavanja zadataka od javnog interesa i zakonom utvrđenih službenih ovlaštenja. Sukladno članku 8. stavak (2) Zakona, pravni temelj za obradu bliže je utvrđen Zakonom o unutarnjim poslovima HNŽ/K, kao i drugim propisima koji reguliraju rad policije i administracije. Navedene nadležnosti i ovlaštenja uključuju vođenje :

- evidencija osobnih iskaznica
- evidencija osobnih iskaznica za strance,
- evidencija prebivališta i boravišta građana,
- evidencija određenih, poništenih, zamijenjenih jedinstvenih matičnih brojeva,
- evidencija vozačkih dozvola,
- evidencija o registriranim vozilima u BiH i dokumentima vezanim za registraciju vozila,
- evidencija putnih isprava,
- registar izdanih oružnih listova, odobrenja za držanje oružja i potvrda o prijavljenom oružju,
- kaznene evidencije,
- prekršajne evidencije,

- vođenje upravnih postupaka po zahtjevima građana,
- drugi upravni i administrativni poslovi predviđeni zakonima i podzakonskim propisima iz nadležnosti MUP HNŽ/K.

MUP HNŽ/K kada postupa kao nadležno tijelo, obrađuje osobne podatke sukladno **članu 64. Zakona o zaštiti osobnih podataka BiH („Službeni glasnik BiH“, br. 12/25).**

U smislu navedenog članka, obrada osobnih podataka od strane nadležnog tijela zakonita je samo ako:

1. je **neophodna za izvršavanje zadataka nadležnog tijela** u svrhu sprečavanja, otkrivanja i istrage kaznenih djela, gonjenja počinitelja, izvršenja kaznenih sankcija i zaštite javne sigurnosti,
2. je **propisana zakonom** kojim se uređuju nadležnosti tog tijela,
3. se vrši u obimu koji je **proporcionalan i ograničen na ono što je nužno** za ostvarivanje navedene svrhe.

Pravni temelj obrade predstavlja zakonom utvrđena nadležnost MUP-a HNŽ/K (Zakon o unutarnjim poslovima HNŽ/K, Zakon o kaznenom postupku F BiH i drugi relevantni propisi), u svezi sa člankom 64. Zakona.

3. Vremenski period čuvanja osobnih podataka

Vaše osobne podatke MUP HNŽ/K obrađuje u vremenskom periodu koji je potreban da se ispuni svrha njihove obrade. Nakon prestanka svrhe za koju su prikupljeni, vaši osobni podaci više se ne koriste ali se čuvaju u arhivi onoliko vremena koliko obvezuju zakonski propisi o arhivskoj građi.

4. Tehničke i organizacijske mjere zaštite osobnih podataka

Vaše osobne podatke MUP HNŽ/K obrađuje na način kojim se osigurava odgovarajuća sigurnost i povjerljivost osobnih podataka, kao i odgovarajuća primjena načela zakonite obrade osobnih podataka te smanjenje količine osobnih podataka po načelu neophodnosti.

MUP HNŽ/K poštuje vremenski period čuvanja osobnih podataka kao i njihovu raspoloživost. Poduzete su fizičke, tehničke i organizacijske mjere zaštite osobnih podataka koje su propisane Planom sigurnosti osobnih podataka. Svi zaposleni u MUP-u HNŽ/K potpisali su izjave o povjerljivosti osobnih podataka kojima pristupaju.

5. Prava nositelja podataka u svezi sa obradom osobnih podataka

Prava nositelja podataka ostvaruju se sukladno sa Zakonom o zaštiti osobnih podataka („Sl. glasnik BiH“ broj 12/25), osim u slučajevima kada su ograničena posebnim zakonom.

Navedena prava mogu biti ograničena ako je takvo ograničenje propisano posebnim zakonom i ako je nužno i proporcionalno radi zaštite javne sigurnosti, sprečavanja i otkrivanja kaznenih djela, vođenja postupaka ili zaštite prava i sloboda drugih osoba.

MUP HNŽ/K omogućava ostvarivanje prava propisanih Zakonom, a to su:

- pravo na pristup osobnim podacima,
- pravo na ispravku osobnih podataka,
- pravo na brisanje osobnih podataka,
- pravo na ograničenje obrade osobnih podataka,
- pravo na prenosivost osobnog podatka,
- pravo da ne bude predmet automatiziranog donošenja odluka, uključujući profiliranje
- pravo na prigovor.

Za ostvarivanje svojih prava možete se obratiti MUP-u HNŽ/K pisanim putem ili putem elektronske pošte na naprijed naznačenu adresu. Također možete se obratiti i nadležnom nadzornom tijelu - Agenciji za zaštitu osobnih podataka BiH, adresa: Dubrovačka br.6 71 000 Sarajevo ili putem e-maila: azlpinfo@azlp.ba.

6. Prijenos osobnih podataka drugim kontrolorima podataka, prijenos osobnih podataka u inozemstvo

MUP HNŽ/K može prenositi osobne podatke drugim tijelima vlasti, pravnim ili fizičkim osobama (drugim kontrolorima ili primateljima) samo kada je takav prijenos propisan zakonom ili nužan za izvršavanje zakonskih nadležnosti Ministarstva, sukladno sa Zakonom o zaštiti osobnih podataka („Službeni glasnik BiH“, br. 12/25). Podaci se dostavljaju isključivo u obimu koji je relevantan i neophodan za konkretnu svrhu, uz poštovanje načela zakonitosti, ograničenja svrhe i minimiziranja podataka.

Kada Ministarstvo postupa kao nadležni organ u svrhe prevencije, otkrivanja, istrage i kaznenih gonjenja počinitelja kaznenih djela ili izvršenja kaznenih sankcija, prijenos osobnih podataka drugim nadležnim tijelima u Bosni i Hercegovini ili inozemstvu vrši se samo ako je takav prijenos nužan, zakonit i proporcionalan, uz primjenu posebnih pravila i zaštitnih mjera propisanih Zakonom i drugim relevantnim propisima.

Prijenos osobnih podataka u druge države ili međunarodne organizacijama može se izvršiti isključivo ako su ispunjeni zakonski uvjeti i osiguran odgovarajući nivo zaštite prava i sloboda nositelja podataka.

Osobne podatke MUP HNŽ/K daje pružateljima informatičko-komunikacijskih usluga sa kojima ima zaključen ugovor i koji poštuju pravila postupanja sa osobnim podacima.

7. Korištenje kolačića (cookies)

Na našoj službenoj internet stranici <https://www.muphnk.ba> koriste se obvezni, odnosno tehnički kolačići (cookies). Ti kolačići su male datoteke koje omogućavaju ispravan rad internet mjesta i ne možemo ih isključiti, te za njihovo korištenje ne trebamo vašu suglasnost.

8. Promjena Pravila privatnosti

MUP HNŽ/K će redovno ažurirati Pravila privatnosti kako bi ista sadržavala točne informacije. O svim izmjenama i dopunama bit ćete blagovremeno informirani sukladno s načelom transparentnosti.